



0084 Армения, Ереван, ул. З. Андраника 1
Тел. 060 38 00 01

0084 Armenia, Z. Andranik st.1, Yerevan
Tel: 060 38 00 01

ՀՀ ՏԱՐԱԾՔԱՅԻՆ ԿԱՌԱՎԱՐՄԱՆ
ԵՎ ԵՆԹԱԿԱՌՈՒՑՎԱԾՔՆԵՐԻ ՆԱԽԱՐԱՐՈՒԹՅՈՒՆ
«ԲԱՐՁՐԱՎՈՒՏ ԷԼԵԿՏՐԱՑԱՆՑԵՐ» ՓԲԸ
ԳԼԽԱՎՈՐ ՏՆՕՐԵՆ

0084, Հայաստան, Երևան, Զ. Անդրանիկի 1,
Հեռ. 060 38 00 01

Էլ. հասցե: hven@hven.am, www.hven.am

No. 04/24.3/5999-2025
21 11 2025թ.

«ԱՐՏԱԿ ԱԲԳԱՐՅԱՆ» Ա/Ձ-ԻՆ
ՀԱՍՑԵ Ք. ԵՐԵՎԱՆ, ՊՌՈՇՅԱՆ., 29 ԲՆ.
ՀՎՀՀ 40095185
ԷԼ. ՀԱՍՑԵ՝ abgaryan-97@mail.ru

ԾԱՆՈՒՑՈՒՄ

(Պայմանագիրը միակողմանի մասնակի լուծելու մասին)

Հարգելի պարոն Արգարյան

«Բարձրավոլտ էլեկտրացանցեր» փակ բաժնետիրական ընկերության (այսուհետ՝ Գնորդ) կարիքների համար «Վառելիքի, յուղերի, հակասառնեցման հեղուկների, էլեկտրական մարտկոցների, անվադողների և ավտոլվացման նյութերի» ձեռքբերման նպատակով 2025 թվականի մարտի 05-ին հայտարարվել է «ԲԷՑ-ԷԱՃԱՊՁԲ-25/01» ծածկագրով գնման ընթացակարգ (այսուհետ՝ Ընթացակարգ): Ընթացակարգի արդյունքում 17-րդ և 25-րդ չափաբաժինների մասով ընտրված մասնակից ճանաչված «Արտակ Արգարյան» ԱԶ-ի (այսուհետ՝ Վաճառող) հետ 2025 թվականի ապրիլի 21-ին կնքվել է «ԲԷՑ-ԷԱՃԱՊՁԲ-25/01-8» ծածկագրով պայմանագիրը (այսուհետ՝ Պայմանագիր): Վաճառողը Պայմանագրի թիվ 17-րդ և 25-րդ չափաբաժիններով ստանձնել է «Գելային մարտկոց 6 ՇՏ 100Ա» և «Անվադող

ձմեռային (Ուազ Պրոֆի) 225/75R16C» ապրանքների մատակարարման պարտավորությունը՝ համաձայն Պայմանագրի անբաժանելի մասը կազմող N 1 հավելվածով սահմանված տեխնիկական բնութագրի և N 2 հավելվածով սահմանված մատակարարման ժամանակացույցի պահանջների:

Պայմանագրի 1.1 կետի համաձայն՝ Վաճառողը պարտավորվում է Պայմանագրով սահմանված կարգով, ծավալներով, ժամկետներում և հասցեով Գնորդին մատակարարել Պայմանագրի N 1 հավելվածով՝ տեխնիկական բնութագրով նախատեսված ապրանքը՝ Պայմանագրի N 2 հավելվածով սահմանված մատակարարման ժամանակացույցին համապատասխան:

Պայմանագրի 2.4.1 և 2.4.4 կետերի համաձայն՝ Վաճառողը պարտավոր է Գնորդին հանձնել ապրանքը՝ Պայմանագրով նախատեսված կարգով, ծավալներով, ժամկետներում և հասցեով:

Վաճառողը պարտավոր էր Պայմանագրի N 2 հավելվածով սահմանված մատակարարման ժամանակացույցի համաձայն Գնորդին հանձնել «Անվադող ձմեռային (Ուազ Պրոֆի) 225/75R16C» (այսուհետ՝ Ապրանք)՝ մինչև սույն թվականի դեկտեմբերի 30-ը՝ ըստ պատվիրատուի ներկայացրած հայտի, սակայն Գնորդը սույն թվականի նոյեմբերի 12-ին abgaryan-97@mail.ru էլեկտրոնային փոստի հասցեից davit.harutyunyan@hven.am էլեկտրոնային փոստի հասցեին գրությամբ հայտնել է. «Հարգելի գործընկերներեցեք ապրանքի բացակայության պատճառով չեմ կարող ձեզ մատակարարել չափաբաժին 25-ի անվադողերը»:

ՀՀ քաղաքացիական օրենսգրքի (այսուհետ՝ Օրենսգիրք) 347-րդ հոդվածի համաձայն՝ պարտավորությունները պետք է կատարվեն պատշաճ՝ պարտավորության պայմաններին, օրենքին և այլ իրավական ակտերի պահանջներին համապատասխան: Օրենսգրքի 408-րդ հոդվածի համաձայն՝ Պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:

Պայմանագրի 2.1.7 կետի համաձայն՝ Գնորդն իրավունք ունի միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը:

Հիմք ընդունելով, որ «Արտակ Աբգարյան» ԱԶ-ն խախտել է Պայմանագրով ստանձնած պարտավորությունները՝ համաձայն Պայմանագրի 2.1.7 կետի Գնորդը միակողմանի մասնակի (թիվ 25 չափաբաժնի մասով) լուծում է N «ԲԷՑ-ԷԱՃԱՊՁԲ-25/01-8» ծածկագրով Պայմանագիրը:

«Գնումների մասին» օրենքի 6-րդ հոդվածի 1-ին մասի 6-րդ կետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման

գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը:

«Գնումների մասին» օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում պատվիրատուի ղեկավարի պատճառաբանված որոշման հիման վրա լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում:

Տեղեկացնում եմ, որ եթե լիազորված մարմինն որոշումը ներկայացվելու վերջնաժամկետը լրանալու օրվա դրությամբ Մասնակիցը վճարում է Պայմանագրի և (կամ) որակավորման ապահովման գումարը, ապա Պատվիրատուն տվյալ Մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու պատճառաբանված որոշումը չի ներկայացնում լիազորված մարմին:

Տեղեկացնում եմ նաև, որ Ընկերության կողմից տուժանքի ձևով ներկայացված պայմանագրի և որակավորման ապահովումները սահմանված կարգով կ'ներկայացվեն ընկերությանը սպասարկող բանկ՝ պայմանագրի և որակավորման ապահովումները գանձելու (Պատվիրատուի կողմից բացված «ԱՄԻՕ ԲԱՆԿ» ՓԲԸ 1150001172630300 հաշվեհամարներին փոխանցելու) նպատակով:

N «ԲԷՅ-ԷԱՃԱՊՁԲ-25/01-8» ծածկագրով գնման պայմանագրի որակավորման և պայմանագրի ապահովումները գնումների մասին ՀՀ օրենսդրությամբ սահմանված ժամկետում 25-րդ չափաբաժնի մասով վճարելու դեպքում, այդ մասին անհրաժեշտ է գրավոր տեղեկացնել Պատվիրատուին՝ կցելով վճարումը հավաստող փաստաթուղթը (անդորրագիրը):

Տեղեկացնում եմ, որ եթե վճարման ենթակա գումարը փոխանցվի Պատվիրատուի կողմից բացված «ԱՄԻՕ ԲԱՆԿ» ՓԲԸ 1150001172630300 հաշվեհամարին, ապա Ընկերության նկատմամբ չեն կիրառվի «Գնումների մասին» օրենքի 6-րդ հոդվածի 1-ին մասի 6-րդ կետով և 2-րդ մասով նախատեսված դրույթները:

Հարգանքով՝

ԳԼԽԱՎՈՐ ՏՆՕՐԵՆԻ

ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ

ՀԱՅԿ ՀԱՅՐԱՊԵՏՅԱՆ

Կատարող՝ ծրագրերի իրականացման ծառայության գնումների կազմակերպման բաժնի գլխավոր մասնագետ Մելինե Սողոյան, հեռ. 060380040